

ՏԵՂԵԿԱՑՈՒՄ

Շահումյան համայնքի ավագանու հերթական նիստի վերաբերյալ

Համայնքը	Միջոցառման անվանումը	Օրը	Ժամը	Անցկացման վայրը
Շահումյան	Ավագանու հերթական նիստ	26.02.2021թ.	16:00	Շահումյանի համայնքապետարան, համայնքի ղեկավարի աշխատասենյակ (գ.Շահումյան, 1 փող. 66)

Օ Ր Ա Կ Ա Ր Գ

2021թ. փետրվարի 26-ին՝ ժամը 16.00-ին Շահումյան համայնքի ղեկավարի աշխատասենյակում կայանալիք համայնքի ավագանու հերթական նիստի

Ժամը՝ 16.00

1. ՇԱՀՈՒՄՅԱՆ ՀԱՄԱՅՆՔԻ ԱՎԱԳԱՆՈՒ 2021 Թ-Ի ՓԵՏՐՎԱՐԻ 26-Ի ՆԻՍՏԻ ՕՐԱԿԱՐԳԸ ՀԱՍՏԱՏԵԼՈՒ ՄԱՍԻՆ

զեկուցող՝ Է. Մանուկյան

2. ՇԱՀՈՒՄՅԱՆ ՀԱՄԱՅՆՔԻ 2020 ԹՎԱԿԱՆԻ ԲՅՈՒՋԵԻ ԿԱՏԱՐՄԱՆ ՏԱՐԵԿԱՆ ԵՎ ԶԱՐԳԱՑՄԱՆ ՀՆԳԱՄՅԱ ԾՐԱԳՐԻ ԻՐԱԿԱՆԱՑՄԱՆ ՀԱՇՎԵՏՎՈՒԹՅՈՒՆՆԵՐԻ ՄԱՍԻՆ

զեկուցող՝ Ս. Սոսյան

3. ՇԱՀՈՒՄՅԱՆ ՀԱՄԱՅՆՔԻ 2021 ԹՎԱԿԱՆԻ ՏԱՐԵԿԱՆ ԱՇԽԱՏԱՆՔԱՅԻՆ ՊԼԱՆԸ ՀԱՍՏԱՏԵԼՈՒ ՄԱՍԻՆ

զեկուցող՝ Ռ. Մինասյան

4. ՀՀ ԼՈՌԻԻ ՄԱՐԶԻ ՇԱՀՈՒՄՅԱՆ ՀԱՄԱՅՆՔԻ ԱՎԱԳԱՆՈՒ ԱՆԴԱՄԻ ԼԻԱԶՈՐՈՒԹՅՈՒՆՆԵՐԸ ՎԱՂԱԺԱՄԿԵՏ ԴԱԴԱՐԵՑՆԵԼՈՒ ՄԱՍԻՆ

զեկուցող՝ Ռ. Մինասյան

ՇԱՀՈՒՄՅԱՆ ՀԱՄԱՅՆՔԻ ԱՎԱԳԱՆՈՒ
2021 Թ-Ի ՓԵՏՐՎԱՐԻ 26-Ի ՆԻՍՏԻ
ՕՐԱԿԱՐԳԸ ՀԱՍՏԱՏԵԼՈՒ ՄԱՍԻՆ

ԴՔԵԿ. ԷԴԻԿ ՄԱՆՈՒԿՅԱՆ

Ղեկավարվելով „Տեղական ինքնակառավարման մասին,, Հայաստանի
Հանրապետության օրենքի 14-րդ հոդվածի 6-րդ կետի դրույթներով՝ **ավագանին**

Ո Ր Ո Շ ՈՒ Մ Է

Հաստատել Շահումյան համայնքի ավագանու 2021թ-ի փետրվարի 26-ի նիստի
օրակարգը.

ՕՐԱԿԱՐԳ

2021թ-ի փետրվարի 26-ի թիվ 02 նիստի

1. Շահումյան համայնքի 2020 թվականի բյուջեի կատարման տարեկան և
զարգացման հնգամյա ծրագրի իրականացման հաշվետվությունների մասին:
2. Շահումյան համայնքի 2021թ-ի տարեկան աշխատանքային պլանը հաստատելու
մասին:
3. ՀՀ Լոռու մարզի Շահումյան համայնքի ավագանու անդամի լիազորությունը
վաղաժամկետ դադարեցնելու մասին:

Համայնքի ղեկավար՝

ԷԴԻԿ ՄԱՆՈՒԿՅԱՆ

ՈՐՈՇՄԱՆ ՆԱԽԱԳԻԾԸ ՆԱԽԱՊԱՏՐԱՍՏԵՑ
ԷԴԻԿ ՄԱՆՈՒԿՅԱՆ

ՇԱՀՈՒՄՅԱՆ ՀԱՄԱՅՆՔԻ 2020
ԹՎԱԿԱՆԻ ԲՅՈՒՋԵԻ ԿԱՏԱՐՄԱՆ
ՏԱՐԵԿԱՆ ԵՎ ԶԱՐԳԱՅՄԱՆ ՀՆԳԱՄՅԱ
ԾՐԱԳՐԻ ԻՐԱԿԱՆԱՑՄԱՆ
ՀԱՇՎԵՏՎՈՒԹՅՈՒՆՆԵՐԻ ՄԱՍԻՆ

ԴՁԵԿ. ՍԵՐԻՆԵ ՍՈՍՅԱՆ

Ղեկավարվելով «Տեղական ինքնակառավարման մասին» Հայաստանի
Հանրապետության օրենքի 18-րդ հոդվածի 1-ին մասի 5-րդ կետով, 82-րդ հոդվածի
7-րդ մասով, «Բյուջետային համակարգի մասին» Հայաստանի Հանրապետության
օրենքի 35-րդ հոդվածի 1-ին մասի 8-րդ կետով՝ Շահումյան համայնքի ավագանին.

Ո Ր Ո Շ ՈՒ Մ Է

1. Հաստատել Շահումյան համայնքի 2020 թվականի բյուջեի կատարման
տարեկան հաշվետվությունը՝ համաձայն հավելված 1-ի:
2. Հաստատել 2020 թվականին Շահումյան համայնքի զարգացման հնգամյա
ծրագրի իրականացման վերաբերյալ հաշվետվությունը՝ համաձայն հավելված 2-ի:

Համայնքի ղեկավար՝

ԷԴԻԿ ՄԱՆՈՒԿՅԱՆ

*ՈՐՈՇՄԱՆ ՆԱԽԱԳԻԾԸ ՆԱԽԱՊԱՏՐԱՍՏԵՑ
ՍԵՐԻՆԵ ՍՈՍՅԱՆ*

ՇԱՀՈՒՄՅԱՆ ՀԱՄԱՅՆՔԻ 2020Թ-Ի ՏԱՐԵԿԱՆ ՀԱՇՎԵՏՎՈՒԹՅՈՒՆ

1. ՇԱՀՈՒՄՅԱՆ ՀԱՄԱՅՆՔԻ ՍԵՓԱԿԱՆ ԵԿԱՄՈՒՏՆԵՐԻ ՎԵՐԱԲԵՐՅԱԼ

h/h	Եկամուտների անվանումը	2019թ. Բյուջե			2020թ. Բյուջե		
		պլան	փաստ.	կատ %	պլան	փաստ.	կատ %
1	Հողի հարկ	3244.6	2821.9	87	3217.6	2524.2	78.5
2	Գույքահարկ	5981.5	5890.2	98.5	7417.1	6496.9	87.6
3	Տեղական տուրք	183.5	189.7	103.4	239.0	249.0	104.2
4	հողի վարձ. վճար	1300.0	1701.0	130.9	1522.0	1615.2	106.1
5	Այլ ոչ հարկային եկամուտներ	300.0	275.0	91.7	300.0	429.5	143.2
6	Տեղական վճարներ	2370.0	2500.7	106	2480.0	1010.8	40.8
	Ընդամենը սեփական եկամուտներ	13379.6	13378.5	100	15175.7	12347.6	81.4

Սեփական եկամուտներ

Շահումյան համայնքի սեփական եկամուտների հավաքագրումը 2020թ. 15175.7 հազար դրամ պլանի դիմաց կազմել է 12347.6 հազար դրամ կամ 81.4%, 2019թ.-ին փաստացի հավաքագրումը կազմել է 13378.5 հազար դրամ կամ 100.0%: Սեփական եկամուտների փաստացի մուտքերի համեմատությունը 2019թ-ի նկատմամբ կազմել է 122.9%, կամ նախորդ տարվա նկատմամբ ավել է հավաքագրվել 2828.1 հազար դրամ:

Հողի հարկ

2020թ. Շահումյան համայնքում հողի հարկի հավաքագրումը 3217.6 հազ. դրամ պլանի դիմաց կատարվել է 2524.2 հազար դրամ կամ 78.5%, 2019թ.-ին փաստացի հավաքագրումը կազմել է 2821.9 հազար դրամ կամ 114%: 2019թ-ի համեմատությամբ հավաքագրումը կազմել է 111.8%, կամ նախորդ տարվա համեմատությամբ պակաս է հավաքագրվել 297.7 հազար դրամ: Հողի հարկի հավաքագրման ցածր տոկոսը կախված է այն հանգամանքից, որ մեծ թվով սեփականատերեր բացակայում են համայնքից:

Գույքահարկ

2020թ. Շահումյան համայնքում գույքահարկի 7417.1 հազար դրամ պլանի դիմաց հավաքագրվել է 6496.9 հազար դրամ կամ հավաքագրումը կատարվել է 87.6% -ով, 2019թ. հավաքագրումը կազմել է 5890.2 հազար դրամ կամ 98.5%: 2019թ.ի համեմատությամբ հավաքագրումը կազմել է 90.7%, կամ նախորդ տարվա համեմատությամբ ավել է գանձվել 606.7 հազար դրամ, որը պայմանավորված է համայնքում փոխադրամիջոցների ավելացման հետ:

Տեղական տուրքեր

Տեղական տուրքերի հավաքագրման մակարդակը կազմել է 104.2%, կամ նախատեսված 239.0 հազ. դրամի դիմաց հավաքագրվել է 249.0 հազ. դրամ, որը նախորդ տարվա նույն ժամանակահատվածի նկատմամբ կազմում է 76.2%, կամ փաստացի հավաքագրումը 2019թ. նկատմամբ ավել է 59.3 հազար դրամով: Թվով 6 խանութներից գանձվել են՝ ոգելից խմիչքի և ծխախոտի արտադրանքի վաճառքի թույլտվության և 2 ռեստորանային համալիրներից հանրային սննդի օբյեկտներում ոգելից խմիչքի իրացման թույլտվության համար տեղական տուրքեր:

Հողի վարձակալություն

2020թ. համայնքում հողի վարձակալության հավաքագրումը 1522.0 հազ. դրամ պլանի դիմաց կատարվել է 1615.2 հազար դրամ կամ 106.2%, 2019թ.-ին հավաքագրումը կազմել է 1701.0 հազար դրամ կամ 130.9%: 2019թ.ի համեմատությամբ հավաքագրումը կազմել է 105.3%, կամ պակաս է հավաքագրվել 85.8 հազար դրամ:

Տեղական վճարներ

Տեղական վճարների մեջ մտնում է աղբահանությունը, ծնողական գումարը, անասնաբուժական ծառայությունը, աճուրդի և մրցույթի մասնակցության վճարներ և այլն:

Տեղական վճարները 2020թ. համար նախատեսված 2480,0 հազ. դրամի դիմաց փաստացի հավաքագրվել է 1010.8 հազ. դրամ, կամ կատարվել է 40.8%-ով: 2020թ-ի համեմատությամբ հավաքագրումը կազմել է 40.2%, կամ պակաս է հավաքագրվել 1489.9 հազար դրամ: Որից՝ 2020թ-ին աղբահանության համար նախատեսված 920,0 հազ. դրամի դիմաց փաստացի հավաքագրվել է 494.6 հազ. դրամ, կամ կատարվել է 53.8%-ով: Ծնողական վճարների համար նախատեսված 960,0 հազ. դրամի դիմաց փաստացի հավաքագրվել է 307.7 հազ. դրամ, կամ կատարվել է 25.6%-ով: Պլանը թերակատարվել է համաճարակի պատճառով: Անասնաբուժական ծառայության համար նախատեսված 600,0 հազ. դրամի դիմաց փաստացի հավաքագրվել է 54.6

հազ. դրամ, կամ կատարվել է 9.1%-ով: Տույժ տուգանքների համար նախատեսված 10,0 հազ. դրամ եկամտի դիմաց փաստացի հավաքագրում չի կատարվել:

2. 2020 Թ-ԻՆ ԿԱՏԱՐՎԱԾ ԱՇԽԱՏԱՆՔՆԵՐԻ ՎԵՐԱԲԵՐՅԱԼ

ՍԵԼԱՎԱՏԱՐԵՐ

Իրականացվել է բուժ. ամբուլատորիային հարակից հեղեղատարի մաքրման աշխատանքներ՝ ընդհանուր 300.0 հազար դրամ արժողությամբ: Կատարվել է Տանձուտ գետի հունի մաքրման աշխատանքներ 780.0 հազ. դրամ, որից 40.0 հազ. դրամը կատարվող աշխատանքի նախահաշվի մշակման համար:

ՃԱՆԱՊԱՐՀՆԵՐ

Սուբվենցիոն ծրագրով կատարվել է 1-ին փողոցի սկզբնամասին մոտ 500 մետր երկարությամբ ճանապարհի ասֆալտապատում, որից համայնքի բյուջեի տնտեսումից կատարվել է հատկացում 15594.7 հազ. դրամ: Կատարվել է ներհամայնքային ճանապարհների հարթեցման աշխատանքներ, որի համար ծախսվել է 680.0 հազ. դրամ:

Համայնքի 6-րդ փողոցի վերջնամասից դեպի Ղազախի թալա տանող ճանապարհի մաքրման և հարթեցման աշխատանքների համար ծախսվել է 864.0 հազ. դրամ:

950.0 հազ. դրամ ծախսվել է 1-ին փողոցի ասֆալտապատման ծրագրի նախագծման փաստաթղթերի մշակման աշխատանքների համար:

ԱՂԲԱՀԱՆՈՒԹՅՈՒՆ

Աղբահանությունն իրականացվում է համայնքի սեփականությունը հանդիսացող բեռնատար ինքնաթափ մեքենայով, շրջիկ ձևով՝ շաբաթական 2 անգամ: Աղբահանության իրականացման մեքենայի պահպանման և վառելիքի համար ծախսվել է 648.0 հազ. դրամ:

Իրականացվել է Դիլիջան մայրուղու և նոր գերեզմանատան հարակից տարածքի մաքրման և աղբահանման աշխատանքներ՝ 200.0 հազ. դրամ արժողությամբ:

ՓՈՂՈՑՆԵՐԻ ԼՈՒՍԱՎՈՐՈՒԹՅՈՒՆ

Փողոցների լուսավորության սպասարկման և պահպանման համար ծախսվել է 450.0 հազ. դրամ, որի մեջ մտնում է սպասարկում իրականացնողի մատուցած ծառայության վճարը, լամպերը և մալուխները: Լուսավորության էլեկտրաէներգիայի ծախսը կազմում է 380.0 հազ. դրամ:

<<ԿՐԹԱՄԱՐԶԱՄՇԱԿՈՒԹԱՅԻՆ ՀԱՄԱԼԻՐ>> ՀՈԱԿ

„Կրթամարզամշակութային համալիր,-ի մեջ մտնում են մշակույթի տունը և մանկապարտեզը: Մշակույթի տանը գործում են երգի, պարի, ըմբշամարտի, կերպարվեստի, կավագործության և կիրառի խմբակներ, ուր հաճախում են մոտ 85 երեխա, գրադարանը և կիրականօրյա դպրոցը: Սակայն համավարակի պատճառով դադարեցվեցին խմբակները, վերաբացելուց հետո երեխաների քանակ զգալիորեն կրճատվել է:

Մանկապարտեզը գործում է 2018թ-ի սեպտեմբերից, հաճախում է 25 երեխա: Համավարակը այստեղ նույնպես բացասական ազդեցություն թողեց:

Կրթամարզամշակութային համալիրի պահպանման, աշխատակազմի աշխատակիցների աշխատավարձի, երեխաների սննդի և այլ ծախսերի համար համայնքի բյուջեից տրվել է դրամաշնորհ՝ 18591.0 հազ դրամ:

ՄՇԱԿՈՒԹԱՅԻՆ ՄԻՋՈՑԱՌՈՒՄՆԵՐ

Համայնքում մշտապես իրականացվել են բազմաբնույթ միջոցառումներ կապված տոնական և հիշատակի օրերի հետ: Հունվարի 28-ին՝ հայկական բանակի օրվա կապակցությամբ զոհված ազատամարտիկների ընտանիքներին հատկացվել է դրամական օգնություն:

Մայիսի 9-ին եռատոնի կապակցությամբ պատերազմի մասնակիցներին և ազատամարտիկներին ևս տրվել է դրամական օգնություն:

Ամանորին կազմակերպվել է միջոցառում և համայնքի 1-7 տարեկան երեխաներին տրվել են ամանորյա տոպրակներ թվով 280 հատ, որը կազմել է 308.0 հազ դրամ:

ԿՐԹՈՒԹՅՈՒՆ

Առաջին դասարան հաճախող թվով 27 երեխաներին հատկացվել է դպրոցական պայուսակներ և գրենական պիտույգներ՝ ծախսվել է 405.0 հազ. դրամ: Գուգարաց թեմի առաջնորդարանի կողմից կազմակերպվել է կնունքի արարողություն և կնքվող երեխաներին տրվել է արծաթյա խաչեր:

Թվով 18 շրջանավարտներին հատկացվել է հուշանվերներ՝ ծախսվել է 243 հազ. դրամ:

ՍՈՑԻԱԼԱԿԱՆ ՕԳՆՈՒԹՅՈՒՆ

2020թ-ի ընթացքում համայնքի սոցիալապես անապահով ընտանիքներին հատկացվել է 2350.0 հազ. դրամ սոցիալական օգնություն:

ԱՆԱՄՆԱԲՈՒԺԱԿԱՆ ԾԱՌԱՅՈՒԹՅՈՒՆ

Համայնքը սպասարկում է մեկ անասնաբույժ, որի կողմից մատուցված ծառայության համար բյուջեից վճարվել է 492.0 հազ. դրամ:

Շահումյան համայնքի ղեկավար՝

Է. Մանուկյան

ՀԱՇՎԵՏՎՈՒԹՅՈՒՆ

ՇԱՀՈՒՄՅԱՆ ՀԱՄԱՅՆՔԻ ՀՆԳԱՄՅԱ ԶԱՐԳԱՑՄԱՆ ԾՐԱԳՐԻ ԻՐԱԿԱՆԱՑՄԱՆ ՎԵՐԱԲԵՐՅԱԼ

Շահումյան համայնքի 2017-2021թթ. սոցիալ տնտեսական զարգացման հնգամյա ծրագրում ընդգրկված են թվով 7 առաջնահերթ խնդիրներ (ծրագրեր), որոնց իրականացման վերաբերյալ ստորև ներկայացնում են տեղեկատվություն:

1-ին ծրագիրը՝ „Համայնքի տարածքով անցնող գետը բերվածքներից մաքրելու, ափերը ամրացնելու ծրագիրն,, իրականացվել է, սակայն աշխատանքները շարունակական են, քանի որ գարնանը ձնհալներից և հորդառատ արձրևներից հնարավոր է գետը վարարի և դուրս գա ափերից:

2-րդ ծրագիրը՝ „Համայնքի կենտրոնական ճանապարհի ասֆալտապատումը,, 2020թ-ին իրականացվել 480 մ երկարության ճանապարհահատվածում:
Ասֆալտապատման աշխատանքներն իրականացվել են սուբվենցիոն ծրագրերի շրջանակում, ծրագրի արժեքը կազմել է 36 200 000 ՀՀ դրամ, որից 16 290 000 դրամը՝ համայնքի բյուջեից, իսկ 19 910 000 դրամը՝ պետության կողմից հատկացված սուբվենցիայի հաշվին: 2021թ-ին նախատեսվում է շարունակել կենտրոնական ճանապարհի ասֆալտապատումը:

3-րդ ծրագիրը՝ „Մանկապարտեզի համար գույքի ձեռքբերում,, իրականացվել է ամբողջությամբ:

4-րդ ծրագիրը՝ „Գյուղատնտեսության զարգացման խթանումը համայնքում,, չի իրականացվել կոպերատիվի չկազմավորման պատճառով:

5-րդ ծրագիրը՝ „Հին գերեզմանատան փլուզման վերականգնում, ցանկապատի վերանորոգում,, , իրականացվել է ամբողջությամբ:

6-րդ և 7-րդ ծրագրերը՝ „Փողոցների լուսավորություն,, և „Տրակտորի ձեռքբերում,, իրականացվել են:

ՇԱՀՈՒՄՅԱՆ ՀԱՄԱՅՆՔԻ 2021
ԹՎԱԿԱՆԻ ՏԱՐԵԿԱՆ ԱՇԽԱՏԱՆՔԱՅԻՆ
ՊԼԱՆԸ ՀԱՍՏԱՏԵԼՈՒ ՄԱՍԻՆ

ԴՁԵԿ. ԷԴԻԿ ՄԱՆՈՒԿՅԱՆ

Ղեկավարվելով „Տեղական ինքնակառավարման մասին,, Հայաստանի
Հանրապետության օրենքի 18-րդ հոդվածի 1-ին մասի 42-րդ կետի դրույթներով՝
ավագանին որոշում է.

Հաստատել Շահումյան համայնքի 2021թ-ի տարեկան աշխատանքային պլանը՝
համաձայն հավելվածի:

Համայնքի ղեկավար՝

ԷԴԻԿ ՄԱՆՈՒԿՅԱՆ

ՈՐՈՇՄԱՆ ՆԱԽԱԳԻԾԸ ՆԱԽԱՊԱՏՐԱՍՏԵՑ
ՌԱԻՍԱ ՄԻՆԱՍՅԱՆ

ՀՀ ԼՈՐՈՒ ՄԱՐԶԻ ՇԱՀՈՒՄՅԱՆ
ՀԱՄԱՅՆՔԻ ԱՎԱԳԱՆՈՒ ԱՆԴԱՄԻ
ԼԻԱԶՈՐՈՒԹՅՈՒՆՆԵՐԸ ՎԱՂԱԺԱՄԿԵՏ
ԴԱԴԱՐԵՑՆԵԼՈՒ ՄԱՍԻՆ

ԴՁԵԿ. ՌԱԻՍԱ ՄԻՆԱՍՅԱՆ

Ղեկավարվելով „Տեղական ինքնակառավարման մասին,, Հայաստանի
Հանրապետության օրենքի 22-րդ հոդվածի 1-ին մասի 7-րդ կետի դրույթներով, հաշվի
առնելով այն հանգամանքը, որ ավագանու անդամ Կամո Մանվելյանը 2020թ-ին
հրավիրված 11 նիստերից բացակայել է 7-ին, Շահումյան համայնքի ավագանին.

Ո Ր Ո Շ ՈՒ Մ Է

Շահումյան համայնքի ավագանու անդամ Կամո Մանվելյանի լիազորությունները
վաղաժամկետ դադարեցնել՝ 2020թ-ի ընթացքում ավագանու նիստերի ավելի
քան կեսից անհարգելի բացակայելու պատճառով:

Համայնքի ղեկավար՝

ԷԴԻԿ ՄԱՆՈՒԿՅԱՆ

ՈՐՈՇՄԱՆ ՆԱԽԱԳԻԾԸ ՆԱԽԱՊԱՏՐԱՍՏԵՑ
ՌԱԻՍԱ ՄԻՆԱՍՅԱՆ